

ANNA MACIEJEWSKA
(Łódź)

Laudes libertatis*

Aestuans intrinsecus flamma vehementi
nolo satisfacere masculinae genti.
Tui causa commodi vel delectamenti
non tenebor vinculis – et quidvis tu senti.

Unicuique propria dos est, non aequalis:
prosperum coniugium omnibus tu malis,
mihi semper displicet vita socialis,
folio sum similis, venti feror alis.

Spem inanem desine, noli expectare:
numquam ego patiar duci ad altare.
Fluvium retineas colligesque mare,
meam post subigere animam conare.

Puer dilectissime, nondum forsán noris:
nil invenies in me placidae uxoris.
Libertatis avida magis quam amoris
quaero terras conditas, vitam gero foris.

* Naśladowanie pieśni Archipoety, *Carmen Burauum* 191 (*Aestuans intrinsecus ira vehementi*).